

春
秋
條
貫
篇

西河合集

蕭山毛奇齡

字初晴
又名蚌稿

文輝克有
遠宗姬黃較

春秋條貫篇

五

十有八年春王正月宋公曹伯衛人邾

人伐齊

齊條貫

齊桓無嫡子諸姬所生一無虧一孝公昭一惠公
元一昭公潘一懿公商人爲五公子各爭立未決
易牙與寺人貂殺羣吏而立無虧焉先是桓與管
仲曾以孝公屬宋襄已定之爲太子矣至是孝公

奔宋而宋襄急合諸侯以納之此亦宋襄仗義之始事也

孝納

夏師救齊

當是時昭公潘爲我公之壻因亦帥師以拒孝公來納名爲救齊實觀變也

孝納

夏五月戊寅宋師及齊師戰于甌齊師敗績

及齊人聞諸師至卽殺無虧以應之而曹師衛師邾師以及我師亦俱却去而宋襄思姬齊霸乘齊桓新喪掩其不備而獨留其師以與之戰必使之敗績而後已則名爲納君而實伐人喪以張已威

不良甚矣。其後齊孝不以德而反以怨伐宋，圍緡以是也。

者納

狄救齊

其時狄亦聞齊桓之亡而假名救齊以觀變。蓋狄之無愛于齊也久矣。然而救齊者拒宋者也。拒宋即拒孝矣。其後齊孝怨宋而反德狄而與之謀衛。然則虜之敗其爲齊孝切齒如此。

秋八月丁亥葬齊桓公

宋襄公始末十有九年春王三月宋人執滕子嬰齊

條十五

策書未詳特宋襄爭霸之惡跡則始于此

襄宋

夏六月宋公曹人邾人盟于曹南

策書闕今按經文則宋與曹本相近爲唇齒之國而每相構難前十五年冬宋人伐曹是也今宋襄親至曹地以會諸侯亦必有故乃曹君不親至而祇以大夫蒞盟稱曰曹人則諸侯既不來而地主又闕宋霸可知矣

襄宋

邾子會盟于邾

因以邾近召邾子使之來會而邾子又不至及宋襄罷會至邾而邾子乃復以赴會來邾謂之會盟

見毛氏傳

襄宋乙酉邾人執郕子用之

襄遂遷怒使邾人執郕子殺之用作牲畜以祭于次睢之社司為子魚力諫之不聽

襄宋秋宋人圍曹

又以曹君不親至圍之

襄宋冬會陳人蔡人楚人鄭人盟于齊

諸侯乃惡襄不道謀以楚制宋而郕子為我公增前經書季姬歸郕是也我以是惡宋而其謀伐宋之舉其盟于齊者以齊孝怨甌之役亦與謀焉

卷五
二十一年宋人齊人楚人盟于鹿上

宋襄知其事乃先盟齊楚以解之

秋宋公楚子陳侯蔡侯鄭伯許男曹伯會于孟烝

宋公以伐宋

然後又大會諸侯思以其釋而無如諸侯盟齊之
役各結于其心而不可解也乃即于宋襄主盟之
際執宋襄以伐宋霸王之敗壞至此

宋襄冬公伐邾

當是時我公不爲宋所請故不與伐宋而獨帥師
以伐邾以節子我將而無所殺報節怨也

宋楚人使宜申來獻捷

乃我雖不與伐宋而楚人以盟齊之役我實與謀
因來獻宋捷以明伐宋者諸侯之志然亦我志也
宋十有二月癸丑公會諸侯盟于薄釋宋公

然既來獻捷則我義當往會以解其事公因特赴
宋合會孟之諸侯而更盟于薄示宋公之執與衆
執之故亦與衆釋之而楚無與焉

宋二十二年夏宋公衛侯許男滕子伐鄭

宋乃不敢報楚而但合諸侯之師以伐鄭

宋冬十有一月己巳朔宋公及楚人戰于泓宋師敗

續

楚人遂救鄭而宋師大敗傳所云宋襄君子之師不重傷不禽二毛不阻隘不鼓不成列是也

宋

二十有三年春齊侯伐宋圍緡

其時齊孝公爲宋所納且鹿上之盟齊大夫與焉而終以戰虜之役刺于其心亦復伐宋而圍其邑

襄宋

夏五月庚寅宋公茲父卒

遂終

十九年梁亡

二十年春新作南門 夏邾子來朝

五月乙巳西宮災

鄭人入滑

鄭與滑近而每相搆難見後狄伐鄭條

冬楚人伐隨

二十一年夏大旱

我伐

二十二年春公伐邾取須句

一四條

據傳邾人滅須句而僖公毋成風實同姓國也公

因伐邾取須句而返其君還其地焉

邾秋八月丁未及邾人戰于升陘

邾乘我不備而報之我師敗績邾人獲公胃以去

邾

二十三年公伐邾取訾婁

卷五

五

越十一年我始報之

邾

秋公子遂帥師伐邾

又報之

二十三年秋楚人伐陳

二十四年春王正月

王室狄夏狄伐鄭二條貫

狄與鄭近前經狄侵衛是也滑又附于鄭前經鄭人入滑是也特鄭之侵滑以其貳已而侵而不服故又伐之奈襄王以齊桓定王位時鄭文奉惠王

之命欲陰囑于帶。逃會不盟。本有間于心。而鄭文亦以是故猜之。故襄王爲滑請于鄭。或無他意。而鄭文以爲執已執王。使不報則直叛矣。王乃使狄伐鄭。取其櫟邑。以狄之是爲鄭難也。時宮辰諫之不聽。

冬天王出居于鄭

襄王乃德狄而取狄女隗氏以爲后。先是惠王欲立王子帶而廢襄王及襄王卽位。而子帶奔齊。與王復召子帶還也。十六年矣。至是子帶逼隗氏而王乃廢后狄。遂奉子帶攻王。大敗王師。而王出奔。

鄭其奔鄭者以鄭本卿士近王室且與狄爲難也
鄭文乃不敢怨王仍與鄭大夫孔將鉏等省視官
具以安行所禮也特勅王殺叔平戎復辟經無明
文而左氏據晉策書鋪張晉事輒以此爲晉文之
功考前此子頹之亂惠王奔溫王國不告故經不
得書今襄王實來告難有不殺鄙鄭敢告叔父之
文故經書天王出居于鄭則既書出居何難再書
晉侯納王以定王室而經無辭且出居之經在
二十四年冬而晉惠之卒在出居後經書冬天王
出居于鄭卽繼之曰晉侯夷吾卒是也是王出居

時晉文未入王告難三國一魯一秦一晉則我公
與秦穆及晉惠也自左氏以王室之定歸功晉文
而時日不合遂以晉文返國預楊之二十四年之
春而謂晉惠冬卒係赴告之晚當在襄王出居之
先而世家遵傳亦以晉惠十五年之卒改作十四
年以合之而實則左氏行文自相矛盾旣曰告秦
告晉是告晉文而又以秦穆聞告與師納王時重
耳在秦聽狐假之計背秦行事辭秦師而下遂迎
王子汜以還王城則是晉文方在秦尚未歸晉不
特晉惠方卒晉懷初立國晉自有君不當向晉文

昔難而丘秦穆送重耳之師曾未渡河晉文身在道亦蒙得有一旅之師可以自衛而乃辭秦師而下背秦穆以攘此不世之功此晉史誇大或作此不稽之言而丘明註經不當與經脗且自牾也凡此者皆所當闕疑者也

晉文公卒

此言惠公也惠公卒子圉立是爲懷公秦穆乃納申耳于晉懷公奔高梁殺之重耳立是爲文公十五年夏四月衛侯燬卒

衛侯燬來逆婦

策書闕

宋殺其大夫

策書闕

秋楚人圍陳納頓子于頓

策書未詳

葬衛文公

齊冬十有二月癸亥公會衛子莒慶盟于洮

九條一貫

莒慶者莒大夫而爲我婿莊十二年莒慶來迎叔姬是也莒原與我隙向賴紀侯以成之今僖元年季友莒擘之獲莒未有以報也莒慶以我婿思請

衛文爲我成而衛文已死衛成承父志而爲之盟
故雖衛文已葬而仍稱衛子嘉其志也

二十有六年春王正月己未公會莒子衛甯速盟
于向

于是公與莒子盟而衛使大夫參成之

齊人侵我西鄙公追齊師至鄒弗及

時齊孝以入國時我師因救齊拒納而至是來報

夏齊人伐我北鄙

以報之未遂而又報之策書闕

衛人伐齊

不意衛成以洮盟之故而爲我伐齊

魯公子遂如楚乞師

乃衛伐不足復乞楚師以伐之

魯公以楚師伐齊取穀

且取穀焉

魯公至自伐齊

魯二十八年晉侯伐衛公子買戍衛不卒戍刺之

越二年而晉文以出亡之時衛文不禮遷怒衛成而伐衛公使公子買戍衛而衛人畏晉出其君以悅晉師遂不終戍而返公乃殺公子買以謝衛成

報衛好也

卷五

九

其後晉復以元墮之訟執衛成而歸于京師公爲
納王于王并晉侯皆十穀而衛侯得釋見晉文報
怨條

楚滅二十六年楚人滅夔以夔子歸

據傳以不禮遠祖故滅之

晉報在魯冬楚人伐宋圍緡二十五

先是宋襄爭霸時爲諸侯所惡諸侯挾楚以伐宋
有前事矣特晉文出亡時宋襄獨贈馬二十乘至
晉文返國而宋得所倚不無重啣諸國之意故楚

先伐宋圍其邑

文晉

二十七年冬楚人陳侯蔡侯鄭伯許男圍宋

而明年之冬諸侯仍挾楚以合伐之

文晉

十有二月甲戌公會諸侯盟于宋

公往與焉

文晉

二十八年春晉侯侵曹晉侯侵衛

乃晉文初立思報宋德而諸國難與抗也謂楚初
得曹而新昏于衛若伐曹衛則楚必舍宋而救曹
衛宋可免矣且曹衛晉怨也當晉文出亡時衛文
公鄭文公俱不禮焉曹共公薄浴而觀其駢脅三

國怨必報。今衛文雖死，然衛成其子也，必伐不已。蓋晉文老而復國，日暮途遠，其興弱之跡止。此一事而報曹、報衛、報鄭、挾天子以制諸國、展轉糾繫。至報鄭不終反，受秦侮而身已殂矣。然且釀秦晉數世之禍，兵連不解，終以成秦穆之名。其恣睢無理，萬不及齊霸十伯之一。此皆三傳所不解者。惟夫子經文可鑒焉。

文宣 楚人救衛

乃楚果舍宋救衛而晉計得矣。

文宣 三月丙午，晉侯入曹，執曹伯，畀宋人。

且楚弟救衛而不能救曹。晉文遂入曹執曹共公與宋人而使之拘之。蓋以曹宋本舊惡，令宋得制曹，且以耻諸師之共伐宋也。此報曹也。

文晉夏四月己巳，晉侯齊師、宋師、秦師及楚人戰于城濮，楚師敗績。

及楚救衛而楚大夫得臣不用命而敗。

文晉楚殺其大夫得臣。

楚乃殺其致敗者。

文晉衛侯出奔楚。

當是時，衛人以悅晉而先出其君，以居于襄牛。至

是奔楚衛大夫元咺奉成公之弟叔武爲之居守

文晉

五月癸丑公會晉侯齊侯宋公蔡侯鄭伯衛子莒

子盟于踐土

晉文既勝楚。思挾天子以制諸侯。乃獻楚俘于襄王。王親至鄭之踐土。以勞晉師。且享醴。命伯晉文乃會諸侯于王所。我公與鄭伯及衛成之弟叔武皆在會焉。惟衛成在楚。曹共公拘于宋。

文晉

陳侯如會

陳侯以後至如會

文晉

公朝于王所

兵公乃與諸侯即王所朝之

六月衛侯鄭自楚歸于衛衛元咺出奔晉

于是晉文使衛成歸國甯武子與國人盟之而入南救武和之死處及聞入急走出避而前驅者射殺之衛成乃殺前驅者而元咺出訟于晉

冬公會晉侯齊侯宋公蔡侯鄭伯陳子萬子邾子秦人于濫

晉乃復謀衛而駕言踐土之會許男不至因重會諸侯以謀伐許衛謂之討不服

文音 天王狩于河陽

然而踐土之會以獻俘之故。王來勞師，故得挾天。王以制諸國，今但會諸侯，王必不至。若但入朝，則又與伯主之會無涉。且晉所倚者秦也，秦並未經與諸侯之會，而今特遣大夫來，不可不有以誇之。因借冬狩名，名王來狩，當時簡書稱晉侯名王而天子改之曰王狩可也。名王狩不可也，王自狩耳。壬申，公朝于王所。

狩畢朝之

晉人執衛侯歸之于京師

然後假王威以執衛成，使與元喧訟，必欲坐罪。

文晉衛元咺自晉復歸于衛

元咺乃受晉命歸立公子瑕

文晉諸侯遂罔許

文晉曹伯襄復歸于曹遂會諸侯罔許

晉文始使宋人釋曹伯而罔許以終其事

文晉二十九年春公至自罔許

文晉夏六月會王人晉人宋人齊人陳人蔡人秦人盟

于翟泉

則是曹衛二怨皆已報復亦可已矣乃又以鄭文
不禮尚未釋憾雖踐土濫原二會鄭伯皆與與許

男不至不同而欲加之罪。駕以貳楚爲詞。則睚眦之甚矣。然且諸侯前會散于春月。甫入夏而急爲是會。一似崦嵫之已促者。又且以所倚之秦儘可搜伐。初聯諸國。終用秦師。以爲得計而不虞三報之忽敗也。

三十年秋。衛殺其大夫元咺及公子瑕。

衛侯鄭歸于衛。

若衛成則天王從我公請而釋之使歸。

晉人秦人圍鄭。

晉文遂專邀秦穆以伐鄭。秦穆雄猜本助晉。與

而五年之間有晉無秦既已心懷忌嫉矣及聞
鄭大夫背秦陪晉之說遂幡然改悟反與鄭盟且
使三大夫杞子聃爲鄭戍守使晉勿敢犯雖晉人
請擊秦而晉文不許然而晉文之霸則從此其歇
絕矣夫以晉公子之名垂老返國祇享此報復一
事而三報未終卽爲強鄰所而賣雖宋棄虜辱無
適于此自此絕不敢舉一盟倡一會起動一兵革
抑鬱而死且以爲後來秦晉構兵所自始則何必
矣孟子曰仲尼之事無道桓文之事者夫桓且不
道况乎文也

二十七年夏六月庚寅齊侯昭卒

秋八月乙未葬齊孝公

二十八年陳侯款卒

公子遂如齊

二十九年春介葛盧來

秋大雨雹

冬介葛盧來

三十年春王正月夏狄侵齊

介人侵蕭

冬天王使宰周公來聘公子遂如京師遂如晉

三十有一年春取濟西田 公子遂如晉

夏四月卜郊 不從乃免牲 猶三望 秋七月

狹罔衛十有二月衛遷于帝丘二條貫

二十二年衛人侵狄秋衛人及狄盟

春王正月 夏四月己丑鄭伯捷卒

冬十有二月己卯晉侯重耳卒

秦晉數世三十有三年春王二月秦人入滑十九條貫

自晉文三恨私怨至報鄭而大壞不惟鄭不能報

兼以助秦晉數世構兵之禍歷文宣成襄七十餘

年而後稍衰息亦已酷矣然皆自罔鄭入滑兩大

節始當晉文與秦穆共圍鄭時秦穆聽屬之武之
言反盟鄭邦晉且使三大夫杞子逢孫揚孫戍鄭
而去致晉文懷慚而卒此固晉君臣父子所啣憾
者今鄭文初死而三大夫密使告秦謂濟師襲伐
可得其國秦穆輕信遠遣孟明西乞白乙三帥出
師而老臣蹇叔力諫不聽及至滑而鄭商人絃高
假以已所販四皮先其牛犒師秦疑鄭有備不敢
至鄭而以滑近鄭遂謀滅滑當是時秦人雖妄動
然與晉絕無與也使以晉文爲新喪耶則兵不向
晉並非伐喪使以伐鄭伐滑爲伐同姓耶則三十

年秋晉文方邀秦以伐同姓而今反禁秦之自來
伐于理不合且晉襄初居喪次父棺未葬忽然越
絛拋殯以他國小戮而遠墨涅其衰絰一如將犂
其國土而焚其宗社者此在晉襄爲喪心病狂而
在鄭滑聞之亦必竊笑其不情之舉以纓冠披髮
而救鄉鄰之爭鬪誠何必然而乃舉世夢夢自三
傳迄今並無有一人能知其意者此夫子之書之
所以不可不通讀也蓋晉文之飲恨深矣暮年爭
霸僅博此報怨一事而怨不終報倒戈逆堵反爲
敵人所快意則三國之怨可忘而此時之辱必不

可忘晉襄承父志故伺其可間而急以乘之不憚
墨衰涅經且名戎助師以示必勝蓋其蓄之者有
素也

秦

夏四月辛巳晉人及姜戎敗秦于殽

于是敗秦師而取三帥晉文夫人秦女也請釋之
秦伯乃素服郊迎悔不聽蹇叔之言作秦誓然而
秦晉之相報則從此無已時矣

文二年春王二月甲子晉侯及秦師戰于彭衙秦
師敗績

越三年秦仍遣孟明報晉而秦復敗績

秦冬晉人宋人陳人鄭人伐秦

晉復連諸國以伐秦

秦三年秦人伐晉

秦伯乃興師伐晉濟河焚舟取王官及郊封殺尸而還左氏曰遂竊西戎則是役于晉有大創者矣

秦四年晉侯伐秦

晉襄乃親伐以報之

秦七年夏戊子晉人及秦人戰于令狐晉先蔑奔秦

既而秦穆死晉襄亦死怨可釋矣奈晉襄死時趙盾以襄子靈公少議立晉文之子使國有長君而

又以晉文諸子中惟公子雍長而子雍在秦使先
蔑至秦迎之時秦康公念舊好以師送雍而晉襄
夫人穆嬴日抱靈公啼于朝且頓首求盾盾復立
靈公而興師以拒子雍且與秦戰必敗其師而後
已則重尋舊怨矣

晉秦

十年夏秦伐晉

越三年而秦乃報令狐之役

晉秦

十三年冬十有二月戊午晉人秦人戰于河曲

秦以報伐未得志復交戰河曲而交綏而退

晉秦

宣元年冬晉趙穿帥師侵崇

既而秦康死秦共初立晉始欲求成于秦然成則已矣乃又用趙穿計謂我侵崇秦必來救崇我于是可求成焉及侵崇而秦弗與成

晉秦

二年秦師伐晉

且復以伐崇而又報之則彼此報伐適相當焉

晉秦

八年夏晉師自狄伐秦

于是晉靈弑秦共亦亡晉成與秦桓初立可釋怨矣而晉忽構狄伐秦

晉秦

十五年秦人伐晉

越七年而秦乃報伐是時晉又易景公矣

秦成九年秦人白狄伐晉

然秦既報伐而戰于輔氏爲晉師所敗故越十年而又報之晉以白狄伐秦以白狄報又相當焉

秦十三年夏五月公自京師遂會晉侯齊侯宋公衛侯鄭伯曹伯邾人滕人伐秦

乃晉又易君景死厲立復魯王官并諸侯之師以伐秦秦師敗績獲秦成差及不更女父焉

此事據傳云五月丁亥晉師以諸侯之師及秦師戰于麻隧秦師敗績獲秦成差及不更女父而經文並不一及故後儒揣摩以爲秦曲晉直而不書

耶則韓原之戰秦直晉曲而經書戰韓原獲晉侯
未嘗諱也。以爲不告而不書耶則公親在軍不須
告也。以爲諱有功耶則諱敗不諱勝克獲有功未
嘗諱也。杜氏與正義再三躊躇而不得其說。臆云
經文闕漏傳文獨存。夫夫子經文無闕漏者。夫子
所修者魯史而丘明以晉史當之。夫子所惡者晉
君晉臣而晉史特誇揚晉君臣以張大之。我所傳
者魯史所發明者。夫子之書而反信晉史而疑魯
史。信丘明而疑夫子之書。大無理矣。故此一伐秦
晉史載呂相絕秦之書。專責秦以狄伐晉而竟忘

晉之先以狄伐秦。哿哿有詞。猶幸而夫子之經于宣八年夏。明云晉師以白狄伐秦。昭昭在簡書間也。故麻隧之敗。呂相之書不更女父之獲。或晉史罔誕。或夫子惡晉而直削其事。經傳具在。請善讀經者。略一審之。

晉秦

曹伯廬卒于師

然且王官諸侯皆以晉率伐之。故曹宣公與王官成。肅公皆卒于師。經特書曹伯卒師者。所以著晉惡。不書成肅公卒者。所以諱王辱也。

晉秦

秋七月公至自伐秦 冬葬曹宣公

秦襄十年晉師伐秦

晉十有一年冬秦人伐晉

越十有七年晉悼伐鄭秦景借救鄭伐晉以報前諸國之伐而其事終焉

三十三年齊人使國歸父來聘

癸未葬晉文公

狄伐齊

策書未詳

晉人敗狄于箕

冬十月公如齊十有二月公至自齊

策書闕

乙巳公薨于小寢

隕霜不殺草李梅實

晉人陳人鄭人伐許

策書未詳

西河合集

蕭山毛奇齡

字秋晴
又名性

稿

文蔚克有較
遠宗姬黃

春秋條貫篇

六

文公

元年 春王正月公即位

二月癸亥日有食之 天王使叔服來會葬

天王使毛伯來錫命

錫命主也
二條一貫

叔孫得臣如京師

拜命也

晉侯伐衛
一貫

晉侯伐衛

七條一貫

春秋條貫篇

諸侯有相朝之禮。謂小朝大也。齊晉魯衛皆侯。爵而彼我匹敵。雖齊桓興霸。魯衛亦未嘗一朝而晉文無道。強諸侯朝晉。而魯衛不與。斯亦已矣。至晉襄。雖父之志。遍告諸侯。伐衛討魯。必使之朝晉。而後已。何世濟其惡。一至于此。此以衛成不朝晉。而興師伐衛。取衛戚邑。并俘其邑大夫。而還。傳稱晉用先且居謀。先朝王于溫。而後責衛之不朝。則直以晉儻天王尤屬無禮。且溫本周邑。是時已賜晉。卽曰溫不服。晉王國與晉共有之。然非王朝也。若果朝溫。則必晉伐衛時。襄王偶至溫。而晉

朝之者策書總未詳耳

魯朝衛衛人伐晉

衛成爲晉文所辱世讎也今復受伐而喪地朝之不甘以告于陳陳共公不平使衛報伐衛乃遣大夫孔達伐晉世頗稱快而惜其終不能勝晉也

魯朝晉秋公孫敖會晉侯于戚

晉襄乃親至戚而疆戚田魯不得已遣大夫往會之然非晉意也

魯朝晉二年三月己巳及晉處父盟

因討魯不已公乃朝晉而晉復不理使大夫出盟

以耻之。

魯衛夏六月公孫敖會宋公陳侯鄭伯晉士穀盟于垂隴。

然且自春至夏止公不還又復以衛之抗晉爲討諸侯不安因會列國使魯衛求成于晉而陳共公以教衛報伐之故并執衛孔達以悅晉晉乃遣大夫受魯衛之成而于是魯與衛則皆爲晉屬國焉。

魯衛三年冬公如晉十有二月己巳公及晉侯盟至是公復朝以謝又踰月而晉侯始與公盟。

魯衛四年春公至自晉。

且又止公不還。自冬至春，使之朝晉，正而後遣歸。則惡極矣。當是時，始釋衛孔達，而衛侯亦親往謝。且使曹伯爲正校，諸國貢賦之數無道如此。

楚弑君

元年冬十月丁未，楚世子商臣弑其君頹。

楚成王欲

廢太子商臣而立王子職，故見弑。

公孫敖如齊。

訪君聘也。

二年 丁丑，作僖公主。

自十有二月不雨，至于秋七月。

通八月丁卯，大事于太廟，躋僖公。

閏初在禰廟，莊在祖廟，今僖將入禰，閔將升祖而

春秋條例篇

乃升僖于閔上則僖遽祖而閔仍禰子在父上禰
在祖上矣逆祀也

文公聘娶公子遂如齊納幣

兩條一貫

四年夏逆婦姜于齊

僖三年春王正月叔孫得臣會晉人宋人陳人

衛人鄭人伐沈沈潰

伐沈究不知何故其後沈終爲晉滅在定四年則或有
他故而策書不能詳也

夏五月王子虎卒

楚滅秋楚人圍江

三條一貫

江冬晉陽處父帥師伐楚以救江

江本楚屬國不宜漫加救恤晉襄思啟霸乃告天王以救之反致滅江則無功有過矣齊桓會黃人管仲諫沮之慮反貽黃禍而不能救也桓不聽而既而楚滅黃而果不能救今兩霸一轍矣其後晉定召陵之會一舉而亡胡沈蔡頓四國霸主之禍烈如此而胡氏尚欲告天王合諸侯以聲其罪

江四年秋楚人滅江

此時何不聲罪耶

三年雨螽于宋

四年秋侵齊

策書闕

衛侯使甯俞來聘

魯衛同爲晉所辱故相親焉

成風

冬十有一月壬寅夫人風氏薨

僖之生母文生祖母也此可觀

天子諸侯爲庶祖母行

五年春王正月王使榮叔歸含且册

襄王以諸侯夫人禮禮之

風三月辛亥葬我小君成風

風王使召伯來會葬

左氏曰禮也

風九年冬秦人來歸僖公成風之襚

夏公孫敖如晉

策書闕

秦人入郟

楚滅六秋楚人滅六

六叛楚附東夷故滅之

冬十月甲申許男業卒

六年春葬許僖公 夏季孫行父如陳

秋季孫行父如晉

策書不詳何事

八月乙亥晉侯驩卒

冬十月公子遂如晉葬晉襄公

晉大夫相殺晉殺其大夫陽處父晉狐射姑出奔狄

三條一貫

晉襄蒐夷時將登箕鄭父而使士穀梁益耳將中

軍先克勸晉侯以狐射姑

狐偃子

將中軍趙盾

趙衰子

佐之陽處父趙氏黨也又改使趙盾將中軍狐射姑佐之故狐射姑殺陽處父而身出奔狄

殺相

九年二月晉人殺其大夫先都

殺相

三月晉人殺其大夫士穀及箕鄭父

而箕鄭父先都士穀梁益耳亦殺先克至是晉人討賊先殺先都梁益耳繼殺士穀箕鄭父而狐射姑以出奔免焉

梁益耳非庸故不書

閏月不告朔猶朝于廟

魯取須句

七年公伐邾

三條一貫

三月甲戌取須句

邾滅須句而魯伐邾是也乃自取須句而令邾公子之叛邾而歸魯者使居之爲邑大夫則無道矣邾曾滅須句而倍公取還之見倍二十三年

俞

遂城郛

以備邾也

夏四月宋公王臣卒

宋無道宋人殺其大夫

宋成公新卒其子杵臼立卽昭公也昭公未卽位遽謀去羣公子而穆襄之族率國人以攻公殺公孫固公孫鄭于公之宮至六卿謝和公室然後昭

公得卽位成公得葬則無道矣其後昭公之被弑實基于此

狄侵我西鄙

策書闕左氏取晉策書補之以狐射姑在狄趙盾使讓之數語抵塞作傳則與狄侵本事何與焉

晉

秋八月公會諸侯晉大夫盟于扈

二條貫

晉靈新立遣大夫與諸侯盟總以屬國待諸侯也

晉

八年冬十月公子遂會晉趙盾盟于衡雍

乃以前盟時公至稍緩晉復來討故又遣上卿報盟不意趙盾秉政乃每事苛暴如此

公孫敖奔莒如未

七年冬徐伐莒

五條一貫

策書闕

公孫敖如莒洫盟

此洫莒盟與徐伐莒並無干涉未有莒被戎伐而友來與魯盟者此皆策書之無據者也惟公孫敖事則策書有之敖爲慶父子初娶莒女曰戴已生文伯其娣聲已生惠叔戴已卒又聘莒而莒辭之乃聘之爲襄仲妻至是以洫盟如莒且爲仲逆女見女美自娶之仲請公攻敖公用仲叔惠伯諫使仲舍女敖還女兩俱不娶從之

八年公孫敖如京師不至而復丙戌奔莒

以弔襄王喪而中道返莒從莒女焉謨國如此

十四年九月甲申公孫敖卒于齊

敖既奔莒魯人立文伯爲後敖又生二子于莒而求返魯文伯請于公許之然不許聽政事藏于家三年而仍與莒女奔莒文伯死立弟惠叔爲後敖又以重賂求返魯惠叔請于公又許之乃未至而路死于齊至是告喪請歸葬不許

十五年夏齊人歸公孫敖之喪

齊人乃爲孟氏謀置棺于堂阜不去惠叔哀毀立

朝以請命始許歸葬其葬視慶父以罪降焉

八年春王正月 夏四月

襄王崩 秋八月戊申天王崩

四條一貫

任公孫敖如京師不至而復丙戌奔莒

見公孫敖條

任九年春毛伯來求金

以公孫敖不至故

任二月叔孫得臣如京師辛丑葬襄王

任八年冬十月乙酉公子遂會雜戎盟于暴

雜戎將伐魯故盟之

螽

宋莊被弑始末 八年宋人殺其大夫司馬宋司城來奔

四條一貫

宋貽無道見前事矣弟貽公者襄公之孫也襄夫
人寵愛庶孫公子鮑而惡貽公鮑厚施于國而襄
夫人助之將殺貽而代立焉夫人因戴氏之族先
殺貽弟司馬邛及襄諸孫之爲貽黨者而司城蕩
意諸來奔經不書邛書意諸略之也先是公子蕩
爲司城及卒其子公孫壽辭司城不受而使其子
蕩意諸爲之至是司城致節于府人而來奔公重
其義也于襄仲聘宋時送意諸還宋復其官焉

宋

十六年冬十有一月宋人弑其君杵臼

夫人至是乃俟貽公田孟諸而使甸師攻殺之蕩

意諸死焉公子鮑代立是爲文公

宋昭

十有七年春晉人衛人陳人鄭人伐宋

晉趙盾乃請于靈公以伐宋大言曰大者天地其次君臣昭大訓也宋弑其君反天地逆民則天必誅焉晉爲盟主而不修天罰將懼及矣靈許之乃發令太廟召軍吏而戒樂正使三軍之鐘鼓畢備且曰伐備鐘鼓聲其罪也戰以錚于丁寧儆其民也且復旁告于諸侯與列國之師治兵振旅鳴鐘鼓以至於宋及至宋卽聲其罪曰何故弑君其嚴毅正大振動踴躍如是乃忽然止息反以伯主之

威名爲之立君畏宋耶愛宋耶受宋賂耶策書總
未詳也但曰立文公而還

宋賂夏諸侯會于扈

則其狡而變頑而無耻吾方慮其無言無面目可
以對衆乃復誇平宋而會諸侯則其視列國之會
盟諸師之聚散直見戲耳嗟乎晉霸自此掃地矣

哀姜歸寧九年春夫人姜氏如齊

二條一貫

鄭楚三月夫人姜氏至自齊

鄭楚楚人伐鄭公子遂會晉人宋人衛人許人救鄭
楚輕晉君少不能有諸侯故伐鄭以嘗之而趙盾

合諸國之師而仍不敢前致楚俘囚鄭諸公子及大夫而受成而去盾之無能又如此

夏狄侵齊

策書闕

秋八月曹伯襄卒 九月癸酉地震

冬楚子使椒來聘

子越椒也

聘不知何事亦不知報聘與否策書未詳

莖曹共公

十年 春王三月辛卯滅係辰卒

楚殺其大夫宜申

闕子西門謀逆而死

自正月不雨至于秋七月

及蕪子盟于女栗

蕪子，周卿士，以頃王新立，故盟諸侯。

冬狄侵宋

策書闕

楚楚子蔡侯次于厥貉

三條一貫

楚會陳侯鄭伯蔡侯麋子將伐宋，次于厥貉。宋求成焉，遂田于孟諸，而麋子逃歸。總是策書不詳，陳鄭之不次，厥貉麋子之見逃，皆不可得而知也。

平十有一年春，楚子伐麋

詩逃也

平夏，叔仲彭生會晉郤缺于承匡

晉乃會魯謀宋鄭之平楚者而無如何也

秋曹伯來朝

公子遂如宋 狄侵齊

我敗 冬十月甲午叔孫得臣敗敵于鹹 是時獲長狄僑如

十有二年春王正月邾伯來奔

策書不可解似邾伯初卒邾人別立一君故太子來奔然太子不當稱伯或是時邾伯既葬太子雖失位而非其罪故史以成君之禮稱之所以深惡邾人之別立君者傳非是也

夏楚人圍巢 秋滕子來朝

秦伯使術來聘

卷六
以重魯來聘
師西乞術也

季孫行父帥師城諸及郕

十有三年春王正月夏五月陳侯朔卒

邾子貜條卒自正月不雨至于秋七月

世室屋壞

魯公
宮也

冬公如晉衛侯會公于沓

公朝晉時衛
請平于晉

十有二月己丑公及晉侯盟公還自晉鄭伯會公于

棐

公朝晉還鄭
亦請平于晉

十有四年春王正月公至自晉

狄侵衛

策書闕

邾人伐我南鄙叔孫彭生帥師伐邾

夏五月乙亥齊侯潘卒

公賂

晉納君不克六月公會宋公陳侯衛侯鄭伯許男曹伯晉

趙盾癸酉同盟于新城

三條一貫

邾文公元妃齊姜生定公二妃晉姬生捷菑文公卒邾人立定公捷菑奔晉晉趙盾乃大會諸侯

君納秋公至自會

君納晉人納捷菑于邾弗克納

而以八國諸侯之師八百乘納捷菑于邾邾人辭

曰齊出糞且長盾無辭而退然則輕意肆志勞師
役衆何爲矣盾之躁妄而不足與爲又如此

秋七月有星孛入于北斗

齊懿武

齊公子商人弑其君舍

十七條

齊昭公

卽昭公潘

卒已立太子舍矣昭公弟商人

卽齊懿公

弑舍自立

齊懿公

冬單伯如齊齊人執單伯

而昭公者魯嬖也魯使襄仲告天王

匡

請以王威

求昭姬于齊曰殺其子焉用其母請受而罪之王

使單伯請昭姬而齊執單伯

齊懿齊人執子叔姬

并執昭姬。其不稱昭姬者，與齊絕也。夫子書法也。

齊懿十有五年春季，孫行父如晉。

魯以齊執天王使告晉。

齊懿六月，單伯至自齊。

晉置不理，乃又拘于齊。半載，單伯自爲請而始得。

歸，傳曰：齊人許單伯之請而赦之。

齊懿秋，齊人侵我西鄙。

齊復伐我。

齊懿齊孫行父如晉。

又以齊難告于晉

齊難

冬十有一月諸侯盟于扈

晉乃借新城舊盟之諸侯而會于扈。駕謀伐齊而終不出師。反顯受齊賂而止。然則弑國君戮王使辱國母踐宗國猖狂叛亂。彌天惡逆而爲之晉者。但旁觀袖手而不之救。所謂霸主者安在。然且縱奸長惡。反受其賂。則其不尊王不討叛不恤與國。卽以數世脅朝脅貢之臣屬而並不假以優庇之心。晉惡從此無度矣。經不書晉并不序列國惡之也。

齊懿十有二月齊人來歸子叔姬

齊乃送昭姬還魯謂之大歸未已也

齊懿齊侯侵我西鄙遂伐曹入其郛

又侵我未已也以曹甫朝魯此年夏來朝并伐曹而入

其郛其狂逞如此

齊懿十有六年春季孫行父會齊侯于陽穀齊侯弗

及盟

于是魯乞平而公以疾故使季孫往會齊侯不許

齊懿夏五月公四不視朔

無如公疾之非假也

齊懿六月戊辰公子遂及齊侯盟于郟丘

不得已乃使襄仲納賂于齊侯然後許盟而猶未已也

齊懿十七年春齊侯伐我西部

又伐我

齊懿六月癸未及齊侯盟于穀

且親帥師以伐我而晉復不救公乃親至穀行成

齊懿秋公至自穀

而然後歸

齊懿冬公子遂如齊

又遣上卿往拜成。而于是我公死。齊侯被弑。而其
事終焉。夫卽此一事。而簡書歷歷不避嫌。不諱辱。
周詳反覆。著齊晉之惡。痛王室宗國之弱。惡則思
懲。弱則思奮。勸戒予奪。書法畢備。而愚者尚欲以
斷爛目之。豈非冤哉。

十四年宋子哀來奔

避昭公無道也

宋司馬華孫來盟

策書不詳其事

十五年夏曹伯來朝

晉伐蔡

晉郤缺帥師伐蔡。戊申入蔡。

新城之盟。蔡人不至。故伐之。

十六年秋八月辛未夫人姜氏薨

文公生母也

毀泉臺

楚滅庸

楚人秦人巴人滅庸

庸以楚僂故率百濮伐楚而楚報滅之

十七年夏四月癸亥葬我小君聲姜

以齊難故葬緩

十有八年春王二月丁丑公薨于臺下

不知何臺也策書不詳

秦伯瑩卒

康公

齊弒君

夏五月戊戌齊人弒其君商人

邴歆闞職以私怨弒齊懿而行齊人立懿之見元

六月癸酉葬我君文公

秋公子遂叔孫得臣如齊

一謝會葬一賀齊惠新立

公子遂

冬十月子卒

文公夫人哀姜生太子惡及公子視其妃敬嬴生宜公敬嬴嬖且私事襄仲欲立之至是文公薨已立惡矣襄仲以聘齊時請立宜公齊許之乃歸而弑惡并殺視焉

夫人姜氏歸于齊

哀姜大歸

季孫行父如齊

君弒

莒弒其君庶其

莒紀公黜太子僕而愛庶子季佗太子僕弒君以寶玉來奔

西河合集

蕭山毛奇齡

字大可稿

文輝克有較
遠宗姬黃

春秋條貫篇

七

宣公

元年 春王正月公即位

魯求好
于齊

公子遂如齊逆女

六條
一貫

前齊懿弑逆時虐于叔姬魯文爲齊懿侮辱久矣
至是齊懿被弑魯文亦死宣公以殺適見立請婚
于齊且服甫及期而遽作喪婚罪可知矣若其娶

何公之女則策書亦未詳也。

宋三月遂以夫人婦姜至自齊。

宋夏季孫行父如齊。

又賂齊求盟焉。

宋公會齊侯于平州。

宋公子遂如齊。

因謝盟。

宋六月齊人取濟西田。

而取賂以去其卑曲如此。

晉放其大夫胥甲于衛。

文十二年秦晉戰河曲時晉趙穿胥甲俱不用命交綏而退今舍趙穿而獨放胥甲趙盾之曲也

秋邾子來朝

晉楚各欲以宋陳鄭爲屬國而未肯定也至是鄭

人窺趙盾無道而不足恃遂幡然歸楚而陳靈公以共公之卒楚人不禮因受盟于晉是時楚莊王爭霸楚強晉弱楚遂挾鄭以侵陳并侵宋

宋鄭 晉趙盾帥師救陳

趙盾救陳宋不克經不書救宋以盾不敢至宋也

宋鄭 宋公陳侯衛侯曹伯會晉師于棐林伐鄭

后乃挾陳宋并諸國轉而伐鄭楚遣蔣賈救鄭敗晉于北林獲晉大夫解揚囚之

宋鄭 晉人宋人伐鄭

晉報伐又不克

二年春王二月壬子宋華元帥師及鄭公子歸生帥師戰于大棘宋師敗績獲宋華元

乃使宋鄭自決戰而宋又大敗獲宋華元去

夏晉人宋人衛人陳人侵鄭

晉宋于是仍合四國以侵鄭又不克而罷

晉弒君

秋九月乙丑晉趙盾弒其君夷臯

時晉靈侈虐趙盾以數諫不聽靈欲殺盾已鬪于朝矣盾鬪歸而亡駕言出山其從子趙穿遂攻靈于桃園而弒之盾遽返使穿迎公子黑臀于周立爲成公

太史曰亡不出境也
不討賊非盾弒而何

冬十月乙亥天王崩

三年春王正月郊牛之口傷收卜牛牛死乃不郊

猶三望 葬匡王 楚子伐陸渾之戎

晉楚爭
宋鄭陳

夏楚人侵鄭

二十條
一貫

趙盾耻伐鄭不克乃于弒君後驟伐鄭以使之必

服鄭不得已與晉平而楚之爭鄭者至矣

宋鄭四年冬楚子伐鄭

乃楚伐鄭而盾不救然鄭未與楚平也

宋鄭五年冬楚人伐鄭

及楚又伐鄭鄭猶未平而陳忽叛晉而歸于楚晉乃以伐陳之師兼救鄭焉經不書救惡救晚也

宋鄭六年春晉趙盾衛孫免侵陳

及晉再侵陳而陳與晉平

宋鄭八年楚師伐陳

楚乃舍鄭而伐陳

陳宋鄭九年九月晉侯宋公衛侯鄭伯曹伯會于扈晉荀林父帥師伐陳辛酉晉侯黑臀卒于扈

晉會諸國而陳侯不至晉亦伐陳值晉成公卒而罷是年晉成之子景公立然而楚復舍陳而伐鄭陳宋鄭楚子伐鄭晉郤缺帥師救鄭

時晉景以郤缺爲政不用盾故晉救急至而鄭得以拒楚師然而楚復踵伐取鄭成去而傳未詳也陳宋鄭十年晉人宋人衛人曹人伐鄭當是時鄭以楚踵伐之故不得已與楚成而晉又伐之

宋鄭 楚子伐鄭

鄭以晉伐之故不得已與晉成而楚又伐之

宋鄭 十一年夏楚子陳侯鄭伯盟于辰陵

鄭乃曰晉楚不務德而務兵爭吾與其來者可也
謂來即歸之因又與楚平而并盟陳焉

宋鄭 丁亥楚子入陳

乃以陳夏徵舒弑君之故楚莊爲討賊故入陳是
時陳服楚非爭陳也然陳亦剗矣

宋鄭 十二年春楚子圍鄭

而鄭則以盟楚之故晉復來討不得已又與晉平

而楚又伐之。圍城至三月，晉不敢救。鄭伯乃肉袒

宋鄭 率羊行成于軍，且以子良為楚質。而鄭亦劓焉。

陳鄭 師敗績

及楚已服鄭，而晉救方至，決戰而晉又大敗。

宋鄭 十三年冬，晉殺其大夫先穀。以敗故

宋鄭 十二年冬，晉人宋人衛人曹人同盟于清丘。

晉乃大會諸國將，挾宋衛以伐陳鄭，而衛人不從。

宋鄭 宋師伐陳，衛人救陳。

但使宋伐陳，而衛反救之。詳見後衛

陳宋鄭十三年夏楚子伐宋

越明年楚子復伐宋以報宋伐陳之役策書誤

陳宋鄭十四年晉侯伐鄭

晉不敢爭陳仍復爭鄭以邲之戰爲救鄭敗也因

假爲討貳君親帥師然但蒐鄭野不敢入鄭而還

陳宋鄭秋九月楚子圍宋

楚子又伐宋以報伐鄭之役且以其時宋殺楚使

故并力伐之

陳宋鄭十五年夏五月宋人及楚人平

方是時宋告急于晉而晉人不敢救也至是圍宋

將一年矣。宋華元夜入楚師，乞公子子反輸以情。實楚始許宋平，而于是宋鄭陳三國無不受楚大創。考既平爭霸之禍，人國如此。

齊秋

三年秋赤狄侵齊

二條
一貫

齊

四年赤狄侵齊

齊

十五年宋人伐曹

七條
一貫

策書闕

曹

十九年宋人圍曹

策書闕

曹

宣三年宋師圍曹

按宋與曹有舊怨屢興構伐而皆不得詳其事策書俱闕卽此圍曹左氏仍以宋舊事抵塞之而皆非實錄夫曹宋小國與魯無與夫子歷紀之以至于滅此其中必有故而惜其詳乎經而傳反闕也故吾于條貫之際引僖年伐曹事並列于此以爲滅曹考証焉

宋曹

哀四年宋樂髡帥師圍曹

策書闕

宋曹

六年宋向巢帥師伐曹

策書闕

宋七年宋人圍曹

策書闕

宋八年春王正月宋公入曹以曹伯陽歸

一至是宋景親伐曹執曹伯而曹滅矣策書祇云伐曹時以曹人誦宋景而滅此豎子之語總是策書全闕不可考耳。但此滅曹見左傳史記而孟子時有曹交者趙岐註曰曹君之弟亦不可解。

三年冬十月丙戌鄭伯蘭卒 葬鄭穆公

齊魯 伐莒 四年春王正月公及齊侯平莒及郟莒人不肯

公伐莒取向

一貫

莒鄆二國不知何故而齊與魯共平之策書總未詳也

十一年公孫歸父會齊人伐莒

策書闕

十三年春齊師伐莒

策書未詳

四年秦伯稻卒

公

夏六月乙酉鄭公子歸生弑其君夷

鄭靈初立公子宋以

食龍之故與公子歸生共謀弑之

五年春公如齊 夏公至自齊

策書闕

秋九月齊高固來逆子叔姬

固自迎婦也

叔孫得臣卒

冬齊高固及子叔姬來

六年 夏四月 秋八月螽 冬十月

七年 春衛侯使孫良夫來盟

謀會晉也

夏公會齊侯伐萊 秋公至自伐萊

策書未詳

大旱

冬公會晉侯宋公衛侯鄭伯曹伯盟于黑壤

八年春公至自會

晉侯以初立會諸侯時公未朝晉故止公于會而不許盟踰年始歸

夏公子遂如齊至黃乃復

策書闕

辛巳有事于太廟仲遂卒于垂

公子遂字襄仲故氏仲

壬午猶繹萬入去籥

以仲遂赴至滅樂禮也

戊子夫人麇氏薨

楚滅舒楚人滅舒蓼

秋七月甲子日有食之既

冬十月己丑葬我小君敬嬴 雨不克葬庚寅日中而克葬

城平陽

九年春王正月公如齊公至自齊

夏仲孫蔑如京師

聘周也

齊侯伐萊

策書闕

魯取取根牟

東夷國也

策書闕

八月滕子卒 冬十月癸酉衛侯鄭卒

宋國

宋人圍滕

卷七 二條 貫

春秋釋例謂滕爲齊所滅而國策作宋滅滕則宋于滕或不無覬視之意而惜策書之並未詳也此與十年伐滕不知何故而夫子歷書之非無爲者因就其所書而條貫如此

宋

十年六月宋師伐滕

陳靈公被弑始末

陳殺其大夫洩冶

六條 一貫

陳靈公與孔寧儀行父通于夏姬大夫洩冶以諫公被殺

陳靈

癸未陳夏徵舒弑其君平國

夏姬子徵舒伺公至其家弑之

陳靈十一年冬十月楚人殺陳夏徵舒

陳靈丁亥楚子入陳

見爭宋鄭陳條

孔寧儀行父奔楚楚子爲討賊因入陳

陳靈納公孫寧儀行父于陳

納二子而去

陳靈十有二年春葬陳靈公

十年春公如齊公至自齊

策書不詳

齊人歸我濟西田

前所賂者以我服歸之

夏四月丙辰日有食之 己巳齊侯元卒

齊崔氏出奔衛

崔杼有寵于齊惠公至是惠卒而高氏逐之

公如齊公至自齊

奔齊惠喪也

公孫歸父如齊葬齊惠公

秋天王使王季子來聘

報聘

公孫歸父帥師伐邾取繹

策書未詳

大水 季孫行父如齊

聘新君也

冬公孫歸父如齊

齊侯使國佐來聘

報聘

饑

十有一年 春王正月

秋晉侯會狄于攢函

以狄服也

十有二年 秋七月

楚滅 冬十有二月戊寅楚子滅蕭

衛叛 晉人宋人衛人曹人同盟于清丘 見宋鄭陳條

晉以邲之戰為楚所敗乃盟宋衛曹以謀伐陳鄭

反 宋師伐陳衛人救陳 見宋鄭陳條

齊魯衛陳宋原不甘為晉屬國當晉襄討魯衛朝

晉時陳共公不平使衛成公抗晉遣大夫孔達與

師報伐而勢不能敵終與魯朝晉且執孔達以拘

于晉者三年衛君臣痛心久矣至是晉敗于楚衛

以為可抗而且德陳之相恤因背盟救陳仍以孔

達帥師而無如仍不敵也

春秋條貫篇

叛十四年春衛殺其大夫孔達

晉乃討衛叛道使坐責欲得孔達而甘心焉達遂自縊以謝晉魯史書此著晉惡也而胡氏以爲干犯盟主其漫不曉事如此

十有三年 秋螽

十有四年 夏五月壬申曹伯壽卒 葬曹文公

冬公孫歸父會齊侯于穀

策書不詳其事

十有五年春公孫歸父會楚子于宋

以楚子圍宋久而往會之

事見爭宋鄭陳條

晉滅狄

六月癸卯晉師滅赤狄潞氏以潞子嬰兒歸

王札子殺召伯毛伯

以爭政故也

秋螽

仲孫獲會齊高固于無婁

策書闕

初稅畝 冬蟄生 饑

十有六年

晉滅狄 春王正月晉人滅赤狄甲氏及留吁

夏成周宣榭火 秋邾伯姬來歸

策書總闕

冬大有年

十有七年春王正月庚子許男錫我卒

丁未蔡侯申卒 夏葬許昭公 葬蔡文公

六月癸卯日有食之

己未公會晉侯衛侯曹伯邾子同盟于斷道

晉不知以何事會諸侯策書不詳

秋公至自會

冬十有一月壬午公弟叔肸卒

十有八年春晉侯衛世子臧伐齊

前斷道之會齊侯不至故伐之

公伐杞

策書闕

夏四月

秋七月邾人戕郕子于郕

策書不詳其事

甲戌楚子旅卒

莊王

公孫歸父如晉

聘晉

冬十月壬戌公薨于路寢

歸父還自晉至笙遂奔齊

公孫歸父爲襄仲之子襄仲殺嫡而立宣公故其

子歸父相繼爲卿至是宣薨季文子乃發其父罪而拒之奔齊